



119 特
2099
12

鴻



絕句

春別曲

湘江碧歸江入遠天芳洲君不見春草自年年
春夜江上送客

千里有流水扁舟遠送君曉來花月色散作五湖雲
邊將

絕漢漢軍孤風沙澣海隅橫行將報國誓不避驕胡
柳花詞

君歸知幾時相憶倚紅閣陌上春風起柳花空自落
山下泉

十里傳清響寒泉遠出山空留幽壑色流自到人間
秋風引送別得至字

終向路歧生垂楊已失翠晚來蕭颯色忽逐離人至

林臥

醉卧長松下石牀幽夢深林中客不至空翠晝陰陰

梅雨

積雨苦鼻濕戶庭送行霖農事不誤期山田已種稻

雪中卧病荅華玉二首

夜雪照窗中愁眠不可起君能知我心病裡唯如此
招隱故人心吟來興何極相思不相見唯見凝華色

東澤八絕

東澤不知處緣溪仄徑分前峰忽一轉時有鷄狗聞
日夕起人烟三戶白雲邊神仙此可接處處有丹泉
山中徂暑時高枕天籟起深林遮白日空翠冷於水
樓上青山起樓下溫泉送浴罷對青山悠然心不競
夜雨何處來蕭々滿四壁起看山月高始識溪聲激
隣舍僧寓居基局好相戲來往歡十日未敢通姓字
東峰千仞秀上有梵王閣我欲振衣去秋風生萬壑
朝辭玉笥山昨遊已回首歸興心彷彿唯疑出洞口

落花歎

落花君不見片々空山裡自從辨故條飄零偏相似
大堤曲二首

美人春夢短画閣夕陽低歡去知何處花飛落大堤
堤上楊柳烟堤下桃花水少婦倚樓坐春色映羅綺
宮中立秋

梧桐玉階下一夜西風吹上苑秋何處美人心自知
過酒家

少婦琴瑟傍且愛十千酒金鞍白鼻騮堪繫壩上柳
寒鴈

孤鴈寒江曲哀鳴徹永夜思群飛不定復逐風雪下

山中四時詞

四壁薜蘿長春衣裁且著山花人不知隨意紛紛落
右春

鳴琴丘壑中餘響入流水更望夏雲生奇峰各自起
右夏

童子拾山葉隔溪行且歌深林搖落盡夜々月明多
右秋

遇雪前峰歸々來日將暝吾廬誰復尋早已沒三徑
右冬

金井候聽潮館後園七題

竹裡不知處清陰路轉迷簫聲隔綠葉中有鳳凰棲

右鳳樓館

亭上人對酒亭下魚在藻竟日兩相忘此樂真難道

右觀魚亭

秋浦一蕭索楓葉下水濱借問行吟者應是我輩人

右楓浦

二月春風時青青揚柳樹夕陽塘上落不見行人度

右柳塘

神山隔水起咫尺望蓬瀛我欲褰裳去彩雲時自生

右小蓬萊

昨夜風濤惡今宵一何穩灣中光可掬東溟月不遠

右海月灣

滸沆深淵色唯見千尋水雷雨時一過忽爾波瀾起

右龍淵

曉鶯

終上花枝轉花枝露未晞將驚美人夢更向画樓飛

新嫁娘

夙先夫婿起歛鬢暗含羞未慣新婦事都就阿姆謀

山驛曉發

旅舍鷄聲從前峰入客程回看昨病處咫尺白雲生

舊宮人

宮衣時或著宮粧
猶自作每逢舊女伴
只說宮中樂
雨中春

細雨春光靜
園亭晝掩扉
殘花不駐色
生覺賞心違

夏夜宿僧院

夜投禪寂地
竹裡一燈深
暗水鳴空閣
清涼只此心

獨釣寒江雪

曲浦凍雲低
渺漫漁艇小
寒光洲渚遍
難認忘機鳥

孤鴛鴦

踟躕含別怨
尚守前池水
憶昨夕陽中
雙々相顧起

佐倉侯觀瀾苑八題

水光十萬里
風至忽成瀾
能自容江海
更臨亭上看

右觀瀾亭

夏木千章色
陰々最高頂
日午試登臨
空翠撲人冷

右空翠阜

白鳥日遵渚
迴翔不避人
會心寧在遠
機息此相親

右海鷗渚

吳姬且休妒
阿娜滿池花
能奪朝霞色
紅顏獨自誇

右朱萼沼

澗道行將斫
橋成勢不危
誰能此取履
更與異人期

曲曲 圯

秋元白露中日涉黃花園非是柴桑宅還能成此趣

右菊圃

右溪回且通不見漁舟上控得滄洲色江潮自來往

右引潮溪

孤館倚長松濤聲風裡壯朝回拄笏聞卻似山中相

右倚松館

画竹

夢此猶々色非依淇澳長清風坐上來葉々時將響

步虛詞

縹緲清虛府且遊明府夜霓裳曲未終復御天風下

別意

落日没河梁不見行旅者嘶聲隔岸聞定知是班馬

艷曲

冶態纔能解笑語暗含春自非爺孃側徘徊不近人

總計五十五首

七言絕句

海門送別

朝看仙客向瀛洲
萬里滄波不可留
東望布帆天際
去海門秋色使人愁

早下刀彌河到鹿洲

扁舟朝下鹿洲東
千里江流接碧空
玉樹玲瓏連岸
出彩雲深處是仙宮

送曇龍師歸肥後

九國蒼茫紫海天
浮杯何處入風烟
故山疑在西乾
外島仍阿蘇落日邊

早秋有感

牀前一夜露華垂
客館秋來獨自知
遙想故山風樹色
蕭々早已不勝悲

贈桃花園主人

東郊雨歇草萋々
聞道春醪出郭携
非是桃花園裡色
風光何處武陵溪

聞憲卿訃悵然有作二首

天涯霜雪照吳鉤
匣裡重期上國遊
那意贈君他日淚
悲風吹盡白揚秋

武陵春色夢中寒
落日人間淚不乾
一自紅顏仙去後

後桃花流水好誰看

中秋奉贈彫龍公子

武昌秋色滿高臺
倚檻西風鴻雁來
公子良宵興不淺
月中應醉夜光杯

望總海

茫茫總海秋風吹
落日登高有所思
帝子長餘東望恨
至今烟水使人悲

空

明妃曲

虜騎羶車出帝鄉
娥眉何處向沙場
含情還望夫山月
曾照宮中秋夜長

青樓曲

青樓十五堪傾城，鏡裡春風粧已成。
顧盼相憐揚柳陌也，隨阿姊作逢迎。

青樓怨

陌頭春送落花風，坐倚粧樓思不窮。
蕩子真成自有婦人傳，家在五陵東。

秋宮詞

御苑清霜宮樹新，玉階歌舞夜相親。
明朝擬幸昭陽殿，輦路秋風自掃塵。

征婦詞

塞外音書寄北風，砧聲秋冷夜無窮。
同從驃騎人多少，謾道阿郎能破戎。

立秋贈人

玉樹新秋白露寒，空階風色夜將闌。
漢宮紈扇君休掩，相憶好懸明月看。

雪中友人至

雨雪蕭條卧病深，故人清興滿山陰。
相邀把酒牀頭起，醉後同論招隱心。

客中九日二首

旅館清秋楚水濱，黃花開處客愁新。
登高自有山河

異曠新天涯萬里人
客裡悲秋已幾回
黃園誰醉菊花杯
不關遊子逢搖
落人道龍山佳節來

聞雁

西風吹起洞庭波
一片哀鴻日暮過
坐覺聲生白髮
三秋客思不勝多

送人歸隱湖南二首

大湖烟水帝城東
客有將乘萬里風
夜弄琵琶何處
是扁舟直向妙音宮
一片征帆碧水間
湖天何處向鄉關
到時應識紅顏

老暮景秋寒石鏡山

秋後登少林院後山

鷺峰霜滿冷天風
林壑蕭々繞梵宮
更見丹楓搖落
盡即知秋色已成空

秋後集某氏別莊得看字

蕭々雨色傍杯盤
秋盡名園楓樹丹
不是主人能愛
客相携那得醉中看

山居秋盡

蕭々木葉下空林
秋盡山中霜露深
日暮前溪何所
見樵夫歸去白雲陰

春夜聞笛

春宵月出掛城頭
玉笛臨風滿画樓
忽見河橋楊柳
色曲中偏自入離愁

送古璞師歸加州大乘寺余時闕面別二首

高僧朝發白雲衢
千里河山錫影孤
但爲人天元自
別無緣携手此踟躕
金獅山上舊精廬
歸到禪心夜月虛
應有塔標南雁
度秋來好寄數行書

遊仙曲贈友人

昨夜仙桃花正開
洞房春色滿天台
但緣君在人間
住故使劉郎去後回

梅花落贈人

梅花如雪已紛紛
愁裡逢春轉憶君
不有一枝相贈
到空吹玉笛月中聞

題王母圖壽河子昌母大人六十初度

新捧蟠桃掌上香
玉壺元自有神丹
相携顧盼群仙
女更向瑤池好罄歡

送惠頰上人陪版輿歸攝西

摩耶山上白雲飛
千里鄉關接帝畿
但道北堂慈可
報相從遙轉法輪歸

送了智鏡山二上人歸上州省視光源老師
欲歸香界奉金仙忽見雙珠光映天別後遙懸持贈
色名山應入白雲篇

送人歸鹿洲

春風掛席大江分海上仙山入彩雲到日洲邊芳草
遍應從白鹿此同群

春雨中探韻得愁字

蕭々風雨傍登樓滿苑飛花促暮愁明日縱逢晴景
好那堪携手作春遊

春日登金龍山

清江春水送斜曛登望金龍倚彩雲多少翠樓烟樹
外楊花如雪大堤分

花亭新晴

捲簾亭上散春陰客到傳觴白日深仍舊滿園花樹
色無爲昨雨謾傷心

春盡觀魚亭分韻十五刪

名園春盡落花開新樹陰々水繞山誰識我曹相樂
處濠梁近對酒杯間

離宮怨

啼鶯二月長門東御柳如烟花復紅鳳輦不知何處

駐春光三十六離宮

約遊妙解院諸子先集芙蓉館雨不果用賦

簡大川尊者得八庚

虎溪風雨絕逢迎謾憶登廬曉未晴此日陶家唯漉
酒藍輿未肯命門生

雪翅大江

漫々朔雪大江流江上寒雲暮色愁縹緲翅遊乘興
去不知何處繫扁舟

奉寄麟侯出候二首

西藩歸到画熊車賓客追隨競曳裾早晚遊梁重授

簡應憐四壁病相如

紫海秋光望欲迷月明千里夜凄凄趨陪誰共扁舟
興若憶風流謝鎮西

早春大禮卧病承華新酒賦贈二子

黃鳥終嬌細草芳謝家春興滿池塘嚶鳴不有羊何
和空把新醪獨自嘗

春日奉問金井侯卧病

病裡春光懶倚欄客來強自對杯盤方期一爲吾曹
起更向東山携妓看

步虛詞

紫府樓臺雲路遠月明何處夜吹簫不知縹緲誰乘
鶴莫是仙人王子喬

楊柳橋送人

青青楊柳畫橋頭何用攀來綰別愁
嫩色好添春水岸碧遠隨江
水送歸舟

送申少八歸美濃

故山西望彩雲浮下有耳泉日夜流
歸到應逢家釀熟燕送君
遠想美濃州

首夏飲田間

郊天發秀送南風綠樹成陰村徑通
我亦耦耕將避

世相從把酒問田翁

流螢篇

空階白露亂秋叢夜冷踈螢影自通
耿耿星河流不盡更令愁思滿西宮

秋日集聽潮館奉寄懷巖邑候得依字

客
秋風天外雁長飛滿坐停杯望落暉
此日鳴琴多暇興應令山水自相依

九日江生惠菊酒

風雨衡門絕送迎一樽秋色故人情
贈來恰好逢佳節使我堪稱澆酒生

對酒有懷友人
把酒高擣醉色寒孤鴻何處度江干十年交態空回首
總入揚州夢裡看

聞人遣妓戲贈

桃李空辭掌上春風光今日逐行塵誰家鎖卻紅樓
夢猶自依依舊主人

三日霞閣雨集得鄉字

千門風雨鳳城傍邀客佳辰入醉鄉坐見春光半將
盡桃花歷亂逐流觴

秋夜石豕氏村莊聽雨得蒸韻

蕭々秋風夜相仍落木村園響不勝高館坐來聽自
好傳杯挑盡五更燈

姬人怨服散二首

金閨孤月不勝秋顧影嫦娥夜自愁彷彿廣寒宮裡
住謾期夫婿此相求

樓后梅花隔遠間五夜吹簫誰得攀不比秦臺雙鳳
止無爲獨自保紅顏

梅花落送別

春風吹送一扁舟無那年光促別愁何處笛聲又不
見梅花如雪滿江頭

春雪集悟賞館

玉樹階庭對酒分
謝家高宴雪紛紛
共憐柳絮因風起
莫道春寒花未芬

分賦東都四時樂得夏

明月清風墨水流
絃歌夜滿木蘭舟
繁華且有江湖樂
壓殺當年河朔遊

田家春詞

熟社樹春風白日長
村醪熟處此相將
家々且作蠶絲計
更課妻兒擬採桑

田家秋詞

五畝田廬秋興多人烟
橋袖接前坡
請看豐稔嘉禾頌
已入村童牛背歌

送人歸赤石

故園何處播州西
海驛悠悠送馬蹄
到日城頭回首望
孤帆遠影霧中迷

秋夜山寺對月

雙峰秋滿白雲端
夜上琳宮月影寒
看取老僧心地淨
珠衣露濕倚欄干

瑤瑟怨

沅湘千里水空流
北渚遙懸鴻雁秋
江上數峰如黛

色美人無盡別離愁

金川舟發

折海門南折曙光空一片征帆香靄中日出長風生萬里直乘汗漫到湘東

塞下曲

長城萬里塞雲間鼓角天邊鳴不息射獵秋驕白馬將揚鞭直向陰山北

春寒花未開賦贈友人

風光滿眼未知新何處鶯花媚早春唯有謝家池上夢已隨青草入芳辰

遣病妓

一枝花瘦倚春陰獨自含嬌別怨深燕子樓前回翼起画梁無恙舊時心

春寒花較遲

籬落烟沈雪未殘蕭條空入舊年看幾時芳樹花經眼猶自春風送暮寒

春日行

春風滿路草萋萋十里烟霞望自迷且見王孫行樂好楊花深處紫駟嘶

得某山人書

幾歲山中卧草廬舊歡猶寄一封書不題名字開緘
處無恙華陽陶隱居

宿山中值雨不得歸

疎燈幽夜薜蘿陰山雨蕭々客睡深報道明朝好留
住溪流一帶絕歸心

鷄鳴曲

鷄鳴画閣啟晨光早起爭凝紅粉粧々就出遊諸姑
妹陌頭羅列好成行

聞隣家吹笙

玉笙吹起苑牆頭響過流雲近自浮半夜閑窻人不

見曲終空掛月明秋

冬初道遠園集得看字

丹楓霜後半將殘盛宴休言醉色寒那意道遠容我
輩候園今日把杯看

題白鶴圖爲金井侯豹隱公子奉壽其大夫
人六十初度

報道仙禽自九臯階庭玉樹映霜毛笙歌長擬瑤池
宴別有雲霄清唳高

冬月圓

深宮玉漏不成眠簾外風霜夜若年恨殺團々寒月

影空開明鏡爲誰懸

雪夜望漁火

大江風雪夜霏々望暗寒潮激釣磯莫是漁翁依岸
病篝燈一點照波微

野雪

朔雲千里暮天低雨雪蕭條大野西滿眼寒光失前
路不知何日草萋々

雪後聽潮館逢立春得香字

潮聲近繞酒杯傍海閣玲瓏白雪先後苑欺花盈尺
色謔疑春至忽生香

海日生殘夜

積水遙空入渺漫扶桑何處曉雲端天鷄唱罷初陽
上日觀峰頭回首看

春遊曲贈公明

城南城北彩霞浮幾處烟花入冶遊爲道青春君自
好相携將醉鳳凰樓

三月四日卧遊亭集得東韻

酒
休言佳節已成空猶自桃花映酒紅何用名山耽遠
興春光長傍卧遊中

字和島侯席上賦暮春送別分韻左字侯時

將歸藩

驛樹郊關落日浮
楊花春盡送驂騑
錦帆且發葦城
裏
萬里長風到豫州

荅菅少卿見贈二首

菴花啼鳥靜
三春窮巷還憐似
避塵都邑繁
葦無意
競請君看取
草堂貧

十年流落髮生華
謾許龍門且可誇
元自倦遊千里
客不知何處問通家

桃花曲贈人

桃花千樹映仙山
絕境春光難可攀
溪上落英君莫

惜好憑流水寄人間

瑤池曲

絲管^管遊各自誇
樓臺五色倚雲霞
龍車且駐周天
子一任人間歸路遐

烏夜啼

烏啼永夜傍城頭
散入西風萬樹秋
三匝數聲飛未
定
長安幾處不勝愁

梅雨中客至

閑窻日永雨霏霏
轉覺蓬蒿與世違
但有黃梅看自
落
那期青眼此相依

古別離

十萬天兵

邊烽昨夜報防秋
朝正金鞍發帝州
少婦不知征戰事
臨門猶自問刀頭

七夕同集鵲巢亭公明不至賦贈

新秋風色滿林高
相憶傳杯各自停
此夜神仙堪駕鶴
應無意到鵲巢亭

海上釣歸贈仲明

一竿漁父楚江濤
回棹滄浪落日深
依舊白鷗湖海侶
歸家持贈息機心

某使君得一歌鬢云至自京師

掌上花開映席新
使君一笑不勝春
絃歌且異尋常調
莫是平陽主笏人

雪漁禪師為青松寺上座作此為贈

一片禪心水月寒
精廬境靜倚林巒
自應龍象擎趺坐
更向青松樹下看

冬初樂山公子蓑露園賞菊有詩見示席上

奉和

十月風霜籬菊秋
猶留佳色映杯浮
那知棲隱柴桑趣
更入西園飛蓋遊

宮女對碁圖

宴罷後宮清晝靜相携碁局鬪雙娥徘徊若遣君王
見莫擬仙家歲月多

青樓雪

章臺夜色雪生光積素爭凝紅粉粧似解佳人能勸
酒翻々偏繞舞筵長

雨雪曲

胡雲朔氣暗長城烽火烟捲新鼓聲借問沙場風雪
裡征人何處夜為營

寒夜聞雁

永夜風霜楚水寒征鴻聲苦向前灘應憐千里無衣

客似報鄉書寄不難

總計九十四首



